

HEZKUNTZA SISTEMAREN IZEN ONA ZIKINTZEKO AHALEGINAK KRITIKATU DITU JAURLARITZAKO HEZKUNTZA SAILBURUAK

Oliveri: «Hezkuntza arma alderdikoi gisa erabiltzen ari dira»

■ Oposizioak EAEko hezkuntza sistemaren kontra plazaratu iritzien atzean «hezkuntzan oinarritutako arrazoirik» ez dagoela esan du

■ Gaitzespenak estrategia jakin baten ondorena direla azaldu du, eta «arduragabekeria ikaragarria» erakusten dutela

■ Zenbait taldetan, beste ezeren gainetik, «nazional-katolizismora itzultzeko» nahia dagoela adierazi du

Arantxa Iraola / Donostia

EUSKAL AUTONOMIA ERKIDEGOKO hezkuntza sistemari azkenaldian egin zaizkion kritikei erantzun egin zien atzo Inaxio Oliverik, Eusko Jaurlaritzako Hezkuntza sailburuak. «Ni ez nator hemen gure sistema perfektua edo munduan dagoen onena dela esatera», azaldu zuen. «Gaur, ordea, esan nahi dut inoiz ez dugula egungoa baino hezkuntza hoberik izan».

Espainiako hezkuntza sistemarekin alderatuz, Araba, Gipuzkoa eta Bizkaikoa hobe dela esan zuen. «Finantzaketan %20 dugu, baliabideetan *ratio* hobeak ditugu, hezkuntzaren berrikuntzan aurrean gaude, eta soldatetan ere bai». Hori milaka ikasle, irakasle eta gurasoren lanaren emaitza dela esan zuen: «Guztion merezimendua».

«Eztabaida politiko muturrekoa»

Horregatik, azkenaldian hezkuntza sistemaren izen ona zikintzeko egin diren saioak onartezinak direla esan zuen, eta egoera jakin batean ulertu behar direla. «Eztabaida politiko muturreko baten ondorena dira». Banaka-banaka erantzun zien kritika guztiei, funtsik ez dutela esanez.

«Izan ere, izen ona zikintzeko estrategia horretan ez dago hezkuntzan oinarritutako arrazoirik», adierazi zuen bere jardunean. «Nik ez dut adostasun osorik nahi. Nire helburua ez da oposizioa hezkuntzaren alorrean ditugun jarrera guztiekin bat etortzea. Baina gauza bat kritika da, eta bestea egunotan jazotzen ari dena. Hezkuntza arma alderdikoi gisa erabiltzen ari dira, eta hori arduragabekeria handia da», salatu zuen sailburuak.



Inaxio Oliveri atzoko agerraldian azalpenak ematen.

«Legez kanpoko» 200 ikastetxeak

Iñaki Oiartzabal PPko legebiltzarkideak herenegun plazaratutako salaketari ere —200

ikastetxe legez kanpo ari direla, ez dutelako Lehen Hezkuntzan gaztelaniarik irakasten, eta Hezkuntza Sailak hori ezkutatu egin duela— erantzun zion atzo

Oliverik. Hainbat ikastetxek era horretan jokatzeko dutela onartu zuen, eta «kontrola zorrozteko» asmoa dutela. Nolanahi ere, errealitatea ez dutela «ezkututzen» esan

erantzunak

Auzitan jarritakoei, banaka-banaka

■ EAEko hezkuntza sistemari leporatu dizkion akats eta gabeziei banaka-banaka erantzun zien atzo Hezkuntza sailburuak.

D eredua • «D ereduen kontra egitea ohiko bihurtzen ari da, eta Iñaki Oiartzabal PPkoa irain eta erasoaren muturrera iritsi da. Lan iragarkietan 'D eredu' ikasi dutenak, ez daitezela agertu jarriko duela esan du. Milaka laguni egindako eraso da, guztiz faltsua».

Ebaluazioa • «Ebaluatutako izateari uko egiten diogula dirudi. Gezurra da. Espainiako Hezkuntza Ministerioak egindako ebaluazio denak jarraitu ditugu, eta emaitzak onenetarikoak izan dira beti».

Escola porrota • «Datuak argiak dira. Erkidegoan iaz DBH ikasleen %80k gaitz zuten, eta Espainian %76k. Selekti-

bitatea, EAEn gazteen %92k gaitz zuten, eta Espainian %72k».

Historia • «Historia liburu zenbaitetan proselitismo nazionalista egiten dugula esaten da. EHUko Historia Sailak eta errektoreak eman dute horri buruzko erantzuna: liburuek ez dutela kutsu nazionalistarik esan dute, ikuspegi arrazizko eta kalitatezkoak dutela».

Erradikaltasuna • «Ikastolei eta D ereduko ikastetxeei erradikaltasuna sustatzen dutela leporatzen zaie. Faltsua da. Javier Elzo soziologoaren ikerketa baten arabera, gazteen %12,1ek defendatzen dute terrorismoa. Ikastola, ikastetxe pribatu, publiko... orotarikoetan ikasten dute. Izan ere, hezkuntza sistematik at beste faktore batzuk ere badira gizarteratzeko orduan oso garrantzitsuak».

x Inaxio Oliveri

«Gaztelaniaz ondo jakitea bezain legezkoa da euskaraz ondo jakitea. Inoiz ikusi al dugu PP azken horretaz kezkatuta?»

«Inork izan al du arazorik hezkuntza sistematik igaro eta gaztelania ikasi ez duelako?»

«Espainia bakar eta homogeneousatzailea itzuli nahi dute, nazional-katolizismoko hezkuntzara»

zuen. «Esaterako, plazaratu berri dituzten datu horiek Hezkuntza Sailak eman ditu», azaldu zuen.

Hezkuntzaren helburua, gainera, 16 urterekin ikasle orok euskaraz eta gaztelaniaz ondo egitea dela esan zuen, eta gaztelaniaren kasuan beti betetzen dela hori. «Inoiz inork izan du arazorik hezkuntza sistematik igaro eta gaztelania ikasi ez duelako?».

Hala, Oiartzabal PPkoaren salaketa D ereduen kontrako «jazarpenaren» barruan dagoela esan zuen. «Izan ere, gaztelaniaz ondo jakitea bezain legezkoa da euskaraz ondo jakitea. Inoiz ikusi al dugu PP azken horretaz kezkatuta?», galdetu zuen. «Espainia bakar eta homogeneousatzailea itzuli nahi dute, nazional-katolizismoko hezkuntzara».

Datorren astean Espainiako Ministerioak DBH eta Batxilergoaren erreformatzeko aurkeztutako dituen aldaketak gainean, berriaz, oraingo isilik egongo dela esan zuen. «Badut balorazio bat. Baina leiala naiz. Aurrena ministroari emango diot horren berri».